

# **WIR** sind schon viele.

**Wenn du dabei bist, wird es noch viel schöner!**

**Am Samstagmorgen den 23. September um 8.30 Uhr startet das Gesangsfest in der grossen Sporthalle Zentrum in Wetzikon. Nach dem „Einsingen um 9“ sprechen und singen wir alle gemeinsam diesen WIR-Text**

## **Ischnuufe, uusschnuufe**

Wetzike isch e Stadt mit Vielfalt  
100 und 30 Natione gänd sich gegeiitig Halt  
Alli schnuufe die gliichi Luft  
Jedi Chuchi verströmt e eigete Duft  
Sogar wenn sich d'Alpe spalte  
Cha sich niemmer druushalte  
D'Schwerchraft bindet alli a die gliichi Erde  
Und das WIR us dem Lied will wachse will öppis werde

**Refrain: Ne, dugu, mi, we, me, nôs, kami tai  
Smo, anna, waxaan, isika, chung toi  
Ja du ghörsch richtig, du bisch öis wichtig  
Niemmer bliibt einsam, mir mache das gmeinsam**

## **Iischnuufe, uusschnuufe**

Ja natürli, du gsehsch andersch us als ich  
Genau darum interessier ich mich für dich  
Dini Farbe, dini Forme, dini Gschichte, dini Tön  
Mache das Grosse im Ganze  
Erscht richtig schön  
Alli singet mit  
Alli ziend am gliiche Strick  
Will mer's chönd, will mir's wend  
Will mir enand händ

## **Refrain:**

## **Iischnuufe, uusschnuufe**

Ghöörsch wie sich tuusig Monolög berüere  
Gspüürsch wie d'Hoffnig dich möchti verfüere  
Mit oder ohni Tendenze i de Differenze  
Die löse mir uf, ganz zart a de Grenze  
Ich gseh dich und du gsehsch mich  
Mir sind verschiede und doch simmer gliich

## **Refrain:**

©Lena Estermann 2023